

Si una vez transcurrido el plazo no se presentan alegaciones, se considerará aprobado definitivamente dicho acuerdo.

Montederramo, 3 de febrero de 2015. El alcalde.

Fdo.: Antonio Rodríguez Álvarez.

R. 416

Montederramo

Anuncio

Por acordo do Pleno Municipal deste Concello de Montederramo, con data 30 de xaneiro de 2015, aprobouse inicialmente o expediente de desafectación dos vehículos matrícula 2495FDL, Santana Aníbal 2.8 Diésel, e matrícula C5418BB, IPV 4T115 12 GL, deixando os ditos bens de estar destinados ao uso ou servizo público de servizos varios e de extinción de incendios, respectivamente, e aos que estaban afectos, e cambiar a súa cualificación de bens de dominio público a bens de carácter patrimonial.

De conformidade co artigo 8 do Regulamento de bens das entidades locais, aprobado polo Real decreto 1372/1986, do 13 de xuño, sométese a información pública polo prazo dun mes, contado dende o día seguinte ao de publicación deste anuncio neste Boletín Oficial da Provincia de Ourense e no taboleiro de anuncios do Concello de Montederramo.

Durante o dito prazo poderá ser examinado por calquera interesado nas dependencias municipais para que se formulen as alegacións que se estimen oportunas.

Montederramo, 4 de febreiro de 2015. O alcalde.

Asdo.: Antonio Rodríguez. Álvarez.

Anuncio

Por acuerdo del Pleno Municipal de este Ayuntamiento de Montederramo, de fecha 30 de enero de 2015, se aprobó inicialmente el expediente de desafectación de los vehículos matrícula 2495FDL, Santana Aníbal 2.8 Diésel, y matrícula C5418BB, IPV 4T115 12 GL, dejando dichos bienes de estar destinados al uso o servicio público de servicios varios y de extinción de incendios, respectivamente, y a los que estaban afectos, y cambiar su cualificación de bienes de dominio público a bienes de carácter patrimonial.

De conformidad con el artículo 8 del Reglamento de Bienes de las Entidades Locales, aprobado por el Real Decreto 1372/1986, de 13 de junio, se somete a información pública por el plazo de un mes, contado desde el día siguiente al de publicación del presente anuncio en este Boletín Oficial de la Provincia de Ourense y en el tablón de anuncios del Ayuntamiento de Montederramo.

Durante dicho plazo podrá ser examinado por cualquier interesado en las dependencias municipales, para que se formulen las alegaciones que se estimen oportunas.

Montederramo, 4 de febrero de 2015. El alcalde.

Fdo.: Antonio Rodríguez Álvarez.

R. 414

Punxín

Edicto

Elevouse a definitivo, por non presentaren reclamacións, o acordo plenario adoptado na sesión realizada o día 28.11.2014, de aprobación provisional do expediente de aprobación da Ordenanza reguladora da xestión da biomasa e distancias a plantacións e da referida ordenanza, que se xunta como anexo

deste edicto, e publícase en cumprimento do disposto polo artigo 70.2 da Lei 7/1985, do 2 de abril, reguladora das bases de réxime local.

“2º. Proposta de aprobación da Ordenanza reguladora da xestión da biomasa e distancias das plantacións do Concello de Punxín

Unha vez vista a Ordenanza reguladora da xestión da biomasa e distancias das plantacións do Concello de Punxín, redactada para dar cumprimento ao disposto na Lei 3/2007, de prevención e defensa contra incendios forestais de Galicia, sométese o asunto ao Pleno da Corporación. Neste punto, Secretaría aclara que se trata de cumplir coa obriga imposta pola lexislación para a prevención de incendios forestais, segundo o disposto na Lei de montes de Galicia e na Lei de prevención e defensa contra os incendios forestais de Galicia, e que o recollido na ordenanza é praticamente o mesmo que o disposto na referida lexislación. Aclarado este punto, o Pleno da Corporación, en votación ordinaria e por catro votos a favor e dúas abstencións dos concelleiros Lourdes González Fernández e Amadeo Vázquez Limia, adoptou os seguintes acordos:

1º. Aprobar inicialmente, de acordo co disposto no artigo 49 da Lei 7/1985, do 2 de abril, reguladora das bases de réxime local, a Ordenanza reguladora da xestión da biomasa e distancias das plantacións do Concello de Punxín.

2º. Someter o expediente ao trámite de información pública e audiencia aos interesados polo prazo de 30 días hábiles, mediante publicación de edicto no Boletín Oficial da Provincia e no taboleiro de anuncios do concello, para que os interesados poidan examinar o expediente e presentar as reclamacións e suxestións que estimen oportunas, que serán resoltas polo Pleno da Corporación.

3º. No caso de que non se presenten reclamacións nin suxestións, entenderase definitivamente adoptado o acordo ata entoncés provisional.

4º. A ordenanza entrará en vigor unha vez publicada integramente no Boletín Oficial da Provincia xunto co presente acordo e transcorrido o prazo do artigo 65 da Lei 7/1985, do 2 de abril, reguladora das bases de réxime local.”

Punxín, 28 de xaneiro de 2015. O alcalde.

Asdo.: Manuel Vázquez Fernández.

Anexo

Ordenanza municipal reguladora da xestión da biomasa e distancias das plantacións do Concello de Punxín.

Exposición de motivos

De conformidade coa potestade regulamentaria atribuída polos artigos 4.1 da Lei 7/1985, do 2 de abril, reguladora do réxime local, e 6.1 da Lei 5/1997, do 22 de xullo, reguladora da Administración Local de Galicia, o Concello de Punxín, por medio desta ordenanza propone a regulación da xestión da biomasa e da distancia das plantacións, no solo urbano, de núcleo rural e urbanizable delimitado, no ámbito das súas competencias co abxecto de conseguir as axeitadas condicións de salubridade e seguridade para previr e evitar os incendios, protexendo destes as infraestruturas e equipamentos sociais, as zonas edificadas e as áreas forestais e naturais de valor especial.

Capítulo I.- Disposiciones xerais

Artigo 1.- Fundamento

A presente ordenanza é de aplicación no marco do disposto na Lei 7/2012, do 28 de xuño, de montes de Galicia, na Lei 3/2007, do 9 de abril, de prevención e defensa contra os incendios forestais de Galicia e tamén na Lei 9/2002, do 30 de decembro, de ordenación urbanística e protección do medio rural de Galicia e o Decreto 28/1999, polo que se aproba o Regulamento de disciplina urbanística.

Artigo 2.- Finalidade

Esta ordenanza ten unha natureza non fiscal, e a súa finalidade é establecer as condicións para levar adiante a xestión da biomasa e a fixación das distancias para plantacións nos terreos clasificados como urbanos, de núcleo rural ou urbanizables delimitados sitos no termo municipal de Punxín.

Artigo 3 .- Ámbito de aplicación

A presente ordenanza é de obrigado cumprimento para as persoas responsables conforme ao definido no artigo 4, que teñan os seus terreos dentro do termo municipal de Punxín.

Conforme o disposto no artigo 4.2 da Lei 5/1997, do 22 de xullo, reguladora da administración local de Galicia, a presente ordenanza será de aplicación en todo o non previsto pola lexislación básica.

Artigo 4.- Persoas responsables

Para os efectos desta ordenanza, entenderase como persoas responsables ás persoas titulares ou, se é o caso, aos titulares do dereito de aproveitamento sobre os terreos urbanos, urbanizables delimitados e de núcleo rural, así como as administracións, as entidades ou as sociedades que teñan encomendada a competencia sobre a xestión, ou cedida esta en virtude dalguna das formas previstas legalmente, das vías de comunicación e das liñas de transporte de enerxía eléctrica, sobre os tipos de solo referidos anteriormente.

Artigo 5.- Definicións

Para os efectos desta ordenanza, defínense os seguintes termos:

Solo urbano: terreos que o planeamento urbanístico (Plan Xeral ou Normas Subsidiarias de Planeamento) tivera definido e clasificado como tal en virtude do disposto no artigo 111 da Lei 9/2002.

Núcleos rurais: terreos que se inclúan dentro dos núcleos rurais delimitados no planeamento municipal, de conformidade co disposto no artigo 13 da Lei 9/2002.

Solo urbanizable delimitado: terreos que non tendo condición de solo urbano, de núcleo rural nin de solo rústico, o planeamento urbanístico tivese definido e clasificado como tal ao poder ser obxecto de transformación urbanística nos termos fixados no artigo 14 da antedita Lei 9/2002.

Xestión da biomasa: a creación e mantemento da descontinuidade horizontal e vertical da carga de combustible, a través do control ou eliminación parcial ou total da biomasa vexetal por medio do emprego das técnicas más recomendadas e coa intensidade e frecuencia para o cumprimento do obxecto previsto nesta ordenanza. Tendo en conta que os terreos situados en solo urbano, de núcleo rural ou urbanizable delimitado teñen unha natureza residencial ou habitacional, polo que os riscos para os bens e as persoas, por motivos de incendios de vexetación, deben minorarse drasticamente e primar a seguridade.

Capítulo II. Da xestión da biomasa

Artigo 6.- Xestión da biomasa

As persoas responsables terán a obriga de xestionar a biomasa dos predios incluídos en solo urbano, urbanizable delimitado ou de núcleo rural, conforme aos criterios establecidos nesta ordenanza, así como mantelas nas debidas condicións de seguridade e salubridade, debendo proceder á súa desinfección e desratización periódica.

Artigo 7.- Criterios de xestión de biomasa

1- Consonte co disposto na Lei 3/2007, de prevención e defensa contra os incendios forestais de Galicia, as persoas responsables dos terreos situados en solo urbano, urbanizable delimitado ou núcleo rural deberán acometer os criterios de xestión

da biomasa establecidos neste artigo para cada clase de terreo, en todo caso, antes do 30 de xuño de cada ano.

2- Nos terreos clasificados como solo urbano, solo de núcleo rural e solo urbanizable delimitado, as persoas responsables deberán facer a xestión da biomasa na totalidade da parcela conforme aos seguintes criterios:

a) Roza para a eliminación do estrato herbáceo e arbustivo, sempre que supoña un mínimo risco para a propagación dos incendios incontrolados de vexetación.

b) Poda e rareo do estrato arbóreo, de forma que se manteña unha descontinuidade horizontal entre as copas das árbores e vertical entre estas e os estratos herbáceo e arbustivo. Este criterio non será aplicable en parques e xardíns municipais, árbores senlleiras ou aquellas que cumpran funcións ornamentais ou se atopen illadas e non supoñan un mínimo risco para a propagación de incendios incontrolados de vexetación.

3- Nos espazos previamente definidos como redes secundarias de faixas de xestión de biomasa nos plans municipais de prevención e defensa contra os incendios forestais, será obligatorio para as persoas responsables, nos termos establecidos no artigo 21 ter da Lei 3/2007 de prevención e defensa contra os incendios forestais de Galicia, xestionar a biomasa vexetal nunha franxa de 50 metros perimetral ao solo urbano, de núcleo rural e urbanizable delimitado, así como arredor de edificacións, vivendas illadas e urbanizacións, depósitos de lixo, parques e instalacións industriais, situadas a menos de 400 metros do monte, de acordo cos criterios para a xestión da biomasa estipulados na Lei 3/2007 de prevención e defensa contra os incendios forestais de Galicia e na súa normativa de desenvolvemento.

Ademais, nos primeiros 30 metros non poderá haber as especies sinaladas na disposición adicional terceira da Lei 3/2007, que se recollen no anexo I desta ordenanza. As distancias mediranse desde o límite do solo urbano ou núcleo rural, de ser o caso. As distancias no caso de edificacións, vivendas illadas ou urbanizacións mediranse dende o seu paramento. No caso de depósitos de lixo, parques e instalacións industriais, mediranse desde o límite das instalacións.

No caso de campings, gasolineiras e industrias en que se desenvolvan actividades perigosas consonte o establecido na Lei 1/1995, do 2 de xaneiro, de protección ambiental de Galicia, e na súa normativa de desenvolvemento, as distancias para as especies sinaladas na disposición adicional terceira da Lei 3/2007 serán de 50 metros, desde o límite das instalacións. No caso dos campings, esta distancia medirase desde o peche perimetral.

4- Tal e como establece a disposición transitoria terceira Lei 3/2007 de prevención defensa contra os incendios forestais, mentres non se definan as redes secundarias de faixas de xestión da biomasa nos plans municipais de prevención e defensa contra os incendios forestais, serán directamente aplicables as obrigas derivadas do disposto no artigo 21 da lei, descritas no punto 3 deste artigo.

Artigo 8.- Execución subsidiaria

Se as persoas responsables non realizasen os traballos de xestión da biomasa nos prazos fixados polo concello, este poderá levalos adiante, logo do previo apercibimento en forma e sen prexuízo da imposición, previo a tramitación do oportuno expediente, das sancións procedentes.

Os custos derivados deses traballos serán repercutidos, se é o caso, ás persoas responsables, procedendo, de ser o caso, ao cobro dos gastos que se ocasionen ao concello a través do procedemento de conxinximento tributario.



Capítulo III. Das distancias das plantacións

Artigo 9.- Prohibicións e distancias das repoboacións forestais e plantacións

1- De conformidade co disposto na Lei 7/2012, de montes, quedan prohibidas as repoboacións forestais nos terreos clasificados como solo urbano, urbanizable delimitado e de núcleo rural.

2- Se é o caso, as repoboacións forestais preexistentes antes da entrada en vigor da Lei 7/2012, de montes, deberán adecuarse para gardar, respecto das edificacións, vivendas illadas, pozos, e instalacións industriais, a distancia mínima de 15 metros cando se trate de especies frondosas (Anexo II desta ordenanza), e de 30 metros no resto de especies, tal e como establece a Lei 7/2012 de montes de Galicia.

3- Nos supostos de plantacións de árbores froiteiras, sebes ou árbores ornamentais, as distancias serán as fixadas na correspondente ordenanza urbanística deste concello, e de non existiren, serán as fixadas pola normativa que resulte de aplicación.

Artigo 10.- Licenzas e permisos para cortas

1. As cortas e os abatimentos de árbores que constituían masa arbórea, espazo boscoso, arboredo ou parque en solo urbano, núcleo rural e urbanizable delimitado estarán suxeitas á obtención da previa licenza municipal por parte deste concello.

2. Así mesmo, segundo o establecido na disposición transitória 5ª da Lei 7/2012 de montes, o aproveitamento das masas forestais existentes no momento da entrada en vigor da Lei 7/2012 en solos urbanizables delimitados estará sometido ao réxime de autorizacións da citada lei ata o desenvolvemento urbanístico dos citados solos, momento en que precisarán da licenza municipal descrita no punto 1 deste artigo.

Capítulo IV. Régime sancionador

Artigo 11.- Competencia

Correspóndele ao Concello de Punxín, a través da Alcaldía ou concelleiro no que delegue, a inspección e sanción das infraccións, previa a instrución do correspondente expediente, das obrigas reguladas nesta ordenanza.

Cando se detecten infraccións de índole penal ou de competencia doutras administracións, darase conta inmediata destas á autoridade ou organismo que corresponda.

Artigo 12.- Clasificación das infraccións

Considéranse infraccións administrativas en relación coas materias ás que se refire esta ordenanza, os actos u omisións que contraveñan o establecido nas normas que integran o seu contido.

As infraccións clasifícanse en leves, graves e moi graves.

Artigo 13.- Infraccións leves

a) Constitúe infracción leve as condutas constitutivas de infracción reguladas nesta ordenanza cando non deban cualificarse como graves ou moi graves.

b) Non proceder á xestión da biomasa cos criterios regulados nesta ordenanza.

Artigo 14.- Infraccións graves

a) Non proceder á xestión da biomasa cos criterios establecidos nesta ordenanza, unha vez notificada a súa obriga e despois de serlle notificada a valoración do custo delas, cando exista risco inminente de incendio para as vivendas e persoas.

b) Non permitir o acceso ao persoal de vixilancia a inspección dos terreos.

c) A negativa a subministrar información á autoridade municipal, funcionarios e axentes en cumprimento das súas funcións.

d) A realización de plantacións sen gardar as distancias establecidas na presente ordenanza.

e) A realización de plantacións nos lugares expresamente prohibidos na presente ordenanza.

f) A reincidencia en infraccións leves. Enténdense que existe reincidencia pola comisión no termo dun ano dunha infracción leve, cando así fose declarado por resolución firme.

Artigo 15.- Infraccións moi graves

a) Cando houbese grave repercusión nos recursos naturais.

b) A reincidencia en infraccións graves. Enténdese que existe reincidencia pola comisión no termo dun ano dunha infracción grave, cando así fose declarado por resolución firme.

c) A resistencia, coacción ou ameaza a autoridade municipal, funcionários e axentes.

Artigo 16.- Sancións

1. As sancións aplicables serán as seguintes:

a) Por infraccións leves, multa de 100 a 600 euros.

b) Por infraccións graves, multa de 601 a 1.500 euros.

c) Por infraccións moi graves, multa de 1.501 a 3.000 euros.

2. As sancións graduaranse en función dos seguintes criterios:

a) Grao de intencionalidade.

b) Contía do beneficio obtido.

c) Natureza dos prexuízos causados.

Disposición adicional

Como anexo I a esta ordenanza inclúese a relación de especies non permitidas nas redes secundarias de xestión de biomasa, recollidas da disposición adicional 3ª da Lei 3/2007 de preventión e defensa contra os incendios forestais; e como anexo II, a relación de especies de frondosas, recollidas do anexo I da Lei 7/2012 de montes de Galicia.

Anexo I

Relación de especies non permitidas nas redes secundarias de xestión de biomasa:

Piñeiro do país, piñeiro silvestre, piñeiro de Monterrei, piñeiro de Oregón, mimosa, acacia negra, eucalipto, queiruga, carneira, xesta, carpaza, piorno, fento, silva e toxo.

Anexo II

Relación de especies de frondosas

Ameneiro, pradairo, bidueiro, freixo, castiñeiro, cerdeira, carballo, cerquiño, sobreira, carballo albar, aciñeira, abeleira, faia, umeiro, loureiro, sorbeira do monte, capudre, nogueira e érbedo.

Disposición transitoria

As plantacións forestais existentes á entrada en vigor da presente ordenanza que, como consecuencia da súa aplicación, se atoparan a unha distancia menor á regulada no seu artigo 7, disporán dun período máximo de dous anos para adaptarse á citada disposición, agás autorización do órgano competente da Xunta de Galicia en materia forestal.

Disposición derogatoria

Quedan derogadas todas as disposicións municipais que contraveñan o disposto na presente ordenanza.

Disposición derradeira

A presente ordenanza entrará en vigor unha vez publicada integralmente no Boletín Oficial da Provincia, e transcorrido o prazo previsto no artigo 65.2 da Lei reguladora das bases de réxime local, permanecendo en vigor ata a súa modificación ou derogación expresa.

Edicto

Habiéndose elevado a definitivo, por no haberse presentado reclamaciones, el acuerdo plenario adoptado en la sesión celebrada el día 28.11.2014, de aprobación provisional del expediente de aprobación de la Ordenanza Reguladora de la Gestión de la Biomasa y Distancias a Plantaciones y de la referida ordenanza, que se adjunta como anexo a este edicto, se publica en cumplimiento de lo dispuesto por el artículo 70.2 de